



Umsagnaraðili: Sinfóníuhljómsveit Íslands.

Dagsetning: 10. maí 2024.

Þingmálsnúmer: 936.

Heiti máls: Sviðslistir.

Frumvarp til laga um breytingu á lögum um sviðslistir, nr. 165/2019, Þjóðarópera

Sinfóníuhljómsveit Íslands fagnar stofnun Þjóðaróperu með þeim hætti sem lagt er til í frumvarpinu og telur að um sé að ræða mikilvægt skref fyrir menningu landsins.

Framkvæmdastjóri hljómsveitarinnar hefur á síðustu árum átt fundi með starfshópum, nefndum og fulltrúum menningar- og viðskiptaráðuneytis þar sem ýmsar sviðsmyndir tengdar rekstri Þjóðaróperu hafa verið dregnar fram.

Sinfóníuhljómsveit Íslands styður þá leið sem valin hefur verið, þ.e. að Þjóðarópera verði stofnuð sem hluti af Þjóðleikhúsinu í anda samstarfs og samnýtingar. Það er mikið framfaraskref að nú verði til enn traustari grundvöllur fyrir óperulist á Íslandi og að starfsgrundvöllur söngvara og sviðslistafólks sé tryggður.

Í greinargerð með frumvarpinu (3.2 grein) er tekið fram að áformað sé að gera samstarfssamning við Sinfóníuhljómsveit Íslands. Stjórnendur hljómsveitarinnar telja mikilvæg tækifæri felast í slíkum samstarfssamningi og geti samvinna styrkt listræna stöðu beggja. Undirbúa þarf slíkt samstarf vel og huga að breytingum á kjara- og stofnanasamningum hljóðfæraleikara í samtali við stéttarfélög þeirra. Til framtíðar er mikilvægt að fjölga hljóðfæraleikurum svo starfsemi hljómsveitarinnar haldist að mestu óskert, þrátt fyrir samstarf við Þjóðaróperu.

Auk samvinnu við óperusýningar er áhugavert að horfa til samstarfs þegar kemur að fræðslustarfi og uppbyggingu menningartengdrar ferðaþjónustu.

Fyrir hönd Sinfóníuhljómsveitar Íslands,

Lára Sóley Jóhannsdóttir
framkvæmdastjóri